



Udruženje/udruga “BH novinari”, Kralja Tvrtka 5/5, 71000
Sarajevo Telefoni: 033 223 818, 033 217 302
E-mail: bhnovinari@bhnovinari.ba, WEB: www.bhnovinari.ba



LINIJA ZA POMOĆ NOVINARIMA / FREE MEDIA HELP LINE

Mi, novinari i novinarke, okupljeni na protestu u **Banjaluci i Zenici 5. januara 2014;** u **Sarajevu, Tuzli i Goraždu 6. januara 2014** te u **Mostaru 10. januara 2014**, upućujemo javnosti BiH slijedeći:

PROGLAS

*Novinari i novinarke BiH, cjelokupna medijska zajednica i građani ove države suočili su se posljednjih dana sa brutalnim ugrožavanjem medijskih sloboda i sigurnosti novinara. Fizički napadi na novinarske ekipe BNTV i TVSA, sudska zabrana objavljivanja informacija za FTV, upad policije u redakciju portala Klix, uskraćivanje akreditacije novinarima BN televizije za ulazak u Palatu predsjednika Republike Srpske i verbalni napad na urednike portala Tačno.net, samo su dio od **400 registriranih slučajeva kršenja slobode izražavanja i individualnih prava novinara, koje je zabilježila Linija za pomoć novinarima od 2006. do danas.***

Među tim slučajevima zabilježeno je:

- 60 fizičkih napada na novinare i direktnih prijetnji smrću;
- **samo u 15 % krivičnih djela prema novinarim donesene su pravomoćne presude;**
- u 22% slučajeva nije ni pokrenuta, a kamoli provedena istraga;
- u 23,5% slučajeva došlo je do “zatvaranja“ predmeta, bez nastojanja policijskih i pravosudnih institucija da otkriju počinitelje i osiguraju pravnu zaštitu novinara;

Imajući u vidu stalna kršenja medijskih sloboda i ugrožavanje sigurnosti novinara u BiH; uključenost javnih službenika i visokopozicioniranih političara u napade na novinare; nedostupnost pravde novinarima i novinarkama - žrtvama nasilja; kao i izostanak efikasne akcije nadležnih državnih organa i institucija;

kao novinari i novinarka – članovi Udruženja/druge BH novinari i Kluba novinara Banja Luka, **zahtijevamo:**

- 1. od nadležnih policijskih, tužilačkih i sudskih organa na svim nivoima vlasti - od kantona, preko entiteta do države i Brčko distrikta - provođenje nezavisne, profesionalne i efikasne istrage o krivičnim i drugim nezakonitim djelima prema novinarima**, kao i poduzimanje drugih pravnih radnji koje će rezultirati kaznama za počinitelje. Linija za pomoć novinarima će podijeliti sa nadležnim organima i institucijama vlastitu bazu podataka o neprocesuiranim slučajevima kršenja prava novinara i slobode izražavanja;
- 2. od Ureda predsjednika Republike Srpske hitno izdavanje akreditacije novinarima BN TV iz Bijeljine i Agencije Beta – dopisništvo Banja Luka**, koja im je neophodna za praćenje aktivnosti predsjednika RS Milorada Dodika i izvještavanje sa događaja od značaja za javnost;
- 3. od Ministarstva unutarnjih poslova Hercegovačko - neretvanskog kantona hitnu i profesionalnu istragu o napadu na Šteficu Galić i Amera Bahtijara**, urednike portala Tačno.net, kao i objavljivanje rezultata istrage u roku od 7 dana.
- 4. od Viskog sudskog i tužilačkog vijeća u BiH hitnu istragu o upadu policije u redakciju portala Klix.ba** i postupanje Specijalog tužilaštva Republike Srpske, Kantonalnog tužiteljstva Sarajevo i Općinskog suda Sarajevu koji su, kao pravosudne institucije, sudjelovali u izdavanju naredbe o pretresu.
- 5. od Ministarstva pravde i Ministarstva unutrašnjih poslova Republike Srpske**, kao i od **Ministarstva pravde i Ministarstva unutarnjih poslova Kantona Sarajevo detaljnu analizu postupanja policije u vezi sa pretresom prostorija portala Klix.ba** u kontekstu kršenja prava na slobodu izražavanja i prava novinara na zaštitu izvora informacija, zaštićenih Evropskom poveljom o ljudskim pravima, ustavima entiteta i države BiH, kao i zakonskim propisima iz oblasti krivičnog i građanskog prava.
- 6. od Predsjedništva BiH da se najhitnije pozabavi kršenjima medijskih sloboda u BiH i prava novinara na siguran i slobodan rad**, te u skladu sa svojim ovlastima, poduzme mjere koje će osigurati poštivanje slobode izražavanja od strane državnih i javnih institucija, na način kako je to navedeno u predpristupnom Sporazmu i više godišnjih izvještaja o napretku BiH u procesu EU integracija.

Ukoliko se ovi zahtjevi ne ispune u navedenim i razumnim rokovima, BH novinari će pozvati novinare i medijske uposlenike iz cijele države na javna okupljanja pred navedenim institucijama, dok se i posljednji zahtjev ne ispuni a javnost obavijesti o mjerama koje su poduzeli u cilju stvaranja sigurnog i tolerantnog okruženja za rad svih medija i novinara u Bosni i Hercegovini.

Udruženje/udruga BH novinari, sa klubovima novinara u Banja Luci, Doboju, Bihaću, Srebrenici, Mostaru, Zenici, Tuzli, Goraždu i Brčko distriktu, poziva sve novinarske asocijacije i medijske sindikate u BiH da podrže navedene zahtjeve, te da iskažu punu solidarnost sa novinarima i novinarkama, čija se prava sistematski i godinama ugrožavaju.

Međunovinarska solidarnost, snaga i jedinstvo medijske zajednice u odbrani slobode izražavanja i prava novinara, uz mnogo odgovornije i profesionalnije postupanje nadležnih državnih i javnih institucija, garant su uspješnosti naše borbe za više medijskih sloboda i sigurnost novinarske profesije u BiH.

Udruženje/udruga BH novinari sa:

Klub novinara Banja Luka

Klub novinara Zenica

Klub novinara Tuzla

Klub novinara Goražde

Klub novinara Mostar